



**Služba civilne zaštite**

Broj: 07-04-1144/21  
Lukavac, 09.04.2021.godine

Na osnovu člana 69. stav (2) tačka e) i člana 70. stav (4) Zakona o javnim nabavkama („Sl. glasnik BiH“, broj: 39/14), Preporuke Komisije za provođenje postupka javne nabavke broj: 07-04-1144/21 od 08.04.2021.godine u konkurentnom postupku javne nabavke kompresora za zrak, Pomoćnik općinskog načelnika za Službu civilne zaštite d o n o s i

**ODLUKU**  
**o poništenju postupka javne nabavke**

**Član 1.**

Poništava se postupak javne nabavke kompresora za zrak, shodno članu 69. stav (2) tačka e) Zakona o javnim nabavkama („Sl. glasnik BiH“, broj: 39/14), iz razloga što je cijena ponude znatno veća od osiguranih sredstava za predmetnu nabavku.

**Član 2.**

Ova Odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

**Član 3.**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

**O b r a z l o ž e n j e**

Službe civilne zaštite Općine Lukavac je Odlukom o pokretanju postupka javne nabavke broj: 07-02-1142/21 od 18.03.2021.godine pokrenula konkurentni postupak javne nabavke kompresora za zrak. Procjenjena vrijednost javne nabavke bez PDV-a iznosila je 8.400,00 KM.

Obavještenje o nabavci broj: 719-7-1-7-3-34/21 objavljeno je na Portalu javnih nabavki dana 19.03.2021.godine.

Komisija za provođenje postupka nabavke imenovana Rješenjem broj: 02-04-75-3/21 od 19.03.2021.godine, otvorila je ponude i utvrdila sljedeće:

- da je u predmetnom postupku primljena jedna ponuda;
- da nije bilo neblažovremeno primljenih ponuda;



- da je ponuda ponuđača „TEVE VARNOST ELEKTRONIKA“ doo Visoko potpuna i ispunjava zahtjeve iz tenderske dokumentacije, ali da je cijena ponude znatno veća od procijenjene vrijednosti.

Komisija je konstatovala da je za predmetnu nabavku planiran iznos od 8.400,00 KM bez PDV-a, a da je vrijednost ponude ponuđača „Teve Varnost Elektronika“ doo Visoko 11.510,00 KM bez uračunatog PDV-a, odnosno da cijena jedine primljene ponude prelazi iznos obezbjeđenih sredstava za ovu nabavku.

Zbog naprijed navedenog, Komisija se dana 07.04.2021.godine, pismenim putem obratila Ugovornom organu da isti utvrdi da li postoji mogućnost povećanja budžeta i dodjele ugovora, te da pisanim putem obavijesti Komisiju.

Nakon što je od Ugovornog organa zaprimila Odgovor broj: 07-40-74-56/21 od 07.04.2020.godine, da su sredstva za predmetnu nabavku obezbjeđena iz namjenskih sredstava „opremanje vatrogasne jedinice“, te da zbog velike razlike planiranih sredstava i vrijednosti dostavljene ponudene ne postoji mogućnost povećanja budžeta u iznosu od 3.638,70 KM sa PDV-om za okončanje postupka nabavke, to je u skladu sa članom 69. Stav 2. Tačka e) ZJN („Službeni glasnik BiH“, broj: 39/14), Komisija dala preporuku Pomoćniku općinskog načelnika za Službu civilne zaštite da se postupak nabavke kompresora za zrak poništi.

Uzimajući u obzir naprijed navedeno, riješeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac – Služba civilne zaštite, Trg Slobode 1, 75300 Lukavac. Žalba se podnosi u najmanje tri primjerka.

#### **Dostaviti:**

1. „TEVE VARNOST ELEKTRONIKA“ doo Visoko
2. Evidenciji i
3. Arhivi.



POMOĆNIK OPĆINSKOG NAČELNIKA  
Edin Hamzić, dipl.ing.